

**KDN: Komik Zunar boleh mudarat ketenteraman  
Malaysiakini.com  
October 28, 2010**

Kementerian Dalam Negeri tidak meluluskan permohonan permit penerbitan bagi komik Gedung Kartun yang dipohon kartunis Zulkiflee SM Anwar Ulhaque yang lebih dikenali sebagai Zunar, kata Menteri, Datuk Seri Hishammuddin Hussein.

Dalam jawapan bertulis kepada soalan N Gobalakrishnan (PKR-Padang Serai), beliau berkata permit tersebut ditolak kerana isi kandungan komik berkenaan didapati menyalahi Garis Panduan Penerbitan Kementerian seperti yang diperuntukkan di bawah Akta Mesin Cetak dan Penerbitan 1984.

"Isi kandungan tersebut dilihat mengandungi unsur-unsur tohmahan dan spekulasi serta tuduhan-tuduhan tidak berasas serta boleh menimbulkan kebencian dan kemarahan masyarakat terhadap pemimpin negara.

"Ia juga jika diterbitkan boleh memudaratkan ketenteraman awam dan kepentingan negara," katanya.

Gobalakrishnan ingin tahu mengapa Zunar tidak diberikan permit untuk menerbitkan karya kartunnya dan sama ada terdapat sebarang unsur yang mengancam keselamatan pada kandungan karya tersebut.

- Bernama

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/146698>